

INUIT ATAQATIGIIT INATSIARTUNI



UPA2022/114/132

10. Oktober 2022

Kristian Jeremiassen

**Uunga siunnersuut: Kalaallit Nunaanni sullivimmi avatangiisinut
inatsisip**

**allanngortinneqarnissaanut inatsisissatut siunnersuutip (Sullivimmi
tarnikkut**

**avatangiisit, isumannaatsuuneq aamma peqqinneq pillugit
suliffeqarfiup suleqataanera, sulliviit naliliiffigineqartarnerinut
piumasaqaatinik sukaterineq, Sullivinnik Nakkutilliisoqarfiup
qisuariaateqarnissamut periarfissaanik annertusaaneq,
paasissutissanik katersuineq, suliarinninneq aamma
ingerlatitseqqiineq, suliffeqarfinnik isumaqatigiissuteqartarnerup
ingerlasarnera, pillaatissiissutinik sakkortunerulersitsineq il.il.)
Namminersorlutik Oqartussanit akuersissutigineqarnissaa pillugu
Inatsisartut aalajangiiffigisassaat**

**(Isumaginninnermut, Suliffeqarnermut Nunamullu Namminermut
Naalakkersuisoq)**

Siullermeerneqarnera

Sullivinni sulinngittoortoqartillugu inuiaqatigiinnut tamanut aningaasatigut
annaasaqaataasarpoq, nunatta avataanut tunisassiat annikinnerulersarput
nunatsinni suliffiit ingerlanerlulersarput innuttaasunullu sullinneqarnerat ajorne-
rulersarluni.

INUIT ATAQATIGIIT INATSIARTUNI



Sulliviit pitsaasumik avatangiiseqartut taakkuupput sulisussaminnik amingaateqanngitsut kisiannili illuatungaaticut ingerlanerluttut taakkua amingaateqartarput amerlasuutigit. Suliffiup ingerlanerlunneraticut inuk sulisar-toq eqqorneqartarpoq taamaalilluni inuiaqatigiinnut toqqaannanngitsumik kinguneqartarpoq aningaasarpassuarnik. Tamannalu ataavartumik ingerlaannaleraangat inuiaqatigiit aningaasaqarnikkut aamma eqqorneqartarnerat Inuit Ataqatigiit ilisimaarivaat.

Pingaartuuvoq sullivinni avatangiisit pitsaasuunissaat, pingaarnertut sulisitsisoq apeqqutaasarpoq qanoq sulisitsinersoq tamannalu politikki-kkut pulaffingineqas-sanngitsoq, taamaattorli sulisitsisumut inatsisitigit sinaakkutit pitsaasuusariaqarput suliffeqarfik ingerlalluassapput suliffeqarfimmilu malitassat pitsaasuusariaqarneri pingaarpoq.

Sulipilunnerup kingunerisarpaa suliffimmut tunniussassap annikillinera, tunniusi-manerup annikillera. Tamannalu kinguneri inuiaqatigiit nammattarpaat. Peqquteqarpoq taamatut inissisimaneq aaqqiiffingisariaqarlunilu pisortalli tamanna tamaticut nammattassarinnigilaat suliffingissaaneq sulisitsisumiimmat.

Inuit Ataqatigiit kaammattarpaat Naalakkersuisoq pisortat suliffeqarfiini sapaatip akunneranut 37 tiimit sulisoqartalerpat kingunissaanik misissueqqullugu nunani allani iluaqutaasimasoq nunatsinni iluaqutaasinnaanera pissappat iluatinnaqimmat.

Taamatut oqaaseqarluta immikkortoq manna taamatut oqaaseqarfingivarput ataatismiititaliamullu ingerlateqqillugu.

Qujanaq.